

Obavijest

CERK DAN OTVORENIH VRATA

Povodom realizacije projekta "Centar za razvoj karijere mladih – CERK", Jedinствena organizacija mladih Jelah, u Četvrtak, 17.10.2013. godine sa početkom u 10:00 sati u Velikoj Sali Općinskog Vijeća Tešanj, organizuje "Dan otvorenih vrata".

Centar za razvoj karijere mladih - CERK je projekat Jedinственe organizacije mladih iz Jelaha koji se bavi pitanjima obrazovanja i (samo)zapošljavanja mladih sa područja općine Tešanj. Cilj projekta je podsticanje zapošljavanja i jačanje konkurentnosti mladih sa područja općine Tešanj na tržištu rada. Projekat realizuje konzorcij organizacija civilnog društva koji čine Jedinствena organizacija mladih Jelah kao nosilac projekta i Univerzalna skola sporta Jelah, Centar za razvoj i podršku Tuzla, Topeer Doboj i Centar za omladinski rad i neformalno obrazovanje Maglaj kao partneri na projektu. Projekat se bavi razvojem i jačanjem ključnih kompetencija mladih neophodnih za njihovo usmjeravanje i efikasniju integraciju u tržište rada kao i kreiranjem podržavajućeg okruženja i adekvatnih uslova za (samo)zapošljavanje mladih. Projekat će omogućiti uspostavljanje efikasnih mehanizama profesionalne orijentacije mladih, posredovanja kod privremenog i povremenog zapošljavanja kao i podrške i supervizije mladih u izradi i apliciranju poslovnih planova. Projekat će također omogućiti mladima da unaprijede vještine za samostalno donošenje odluka o planiranju karijere (obrazovanje i zapošljavanje/zanimanje) te da budu informisani o prilikama i mogućnostima obrazovanja (formalno i neformalno), dodatnog usavršavanja, obuke i (samo)zapošljavanja.

U okviru Dana otvorenih vrata, svim prisutnim, će biti održana kratka prezentacija o CERK programima/aktivnostima (profesionalna orijentacija, biznis akademija, info desk, klub za traženje posla i biznis servis), uslugama i servisima koje CERK programi/aktivnosti nude, kao i o mogućnostima i načinu učešća.

Pozivamo predstavnike/ce obrazovnih ustanova, javnih ustanova, organizacija civilnog društva, mjesnih zajednica, neformalnih grupa, medija, drugih koji rade sa mladima i za mlade u oblastima obrazovanja ili (samo)zapošljavanja na području općine Tešanj, te mlade generalno, da prisustvuju ovom događaju.

S obzirom na ograničen broj mjesta, sve zainteresovane molimo da izvrše prijavu za učešće na Danu otvorenih vrata putem telefona broj 032 664 114 (od 09:00 do 15:00 sati) ili putem e-maila info@cerk.ba, najkasnije do Srijede, 16.10.2013. godine do 15:00h.

Projekat "Centar za razvoj karijere mladih – CERK" se realizuje u okviru UNDP-ovog projekta "Jačanje lokalne demokratije/demokracije III – LOD III" kojeg finansira Evropska unija iz sredstava Instrumenta za pristupnu pomoć (IPA) u iznosu od 2 miliona eura.

Budite kreatori Vaše budućnosti!



Projekat finansira
Evropska unija



Ministarstvo pravde
Bosne i Hercegovine



Empowered lives.
Resilient nations.



Općina Tešanj